



Minggu, 08 November 2020

1 Tesalonika 5: 17-23



Ujilah, Ola Anggap Enteng



Pedah-pedah si rusurna ibelasken man anak arah orangtua nari eme persada arih, Tuhan Jesus pe nuruh kita guna ersada arih. Tapi entah uga gia mpersada arih e salah sada si meserana bas doni enda. Terlebih i bas pemahamen kerna virus Corona ntaah pe Covid-19. I tengah-tengah perbeben erkiteken penyebaren virus si nggo mbue merenggut korban jiwa e, lit dengaka perdebaten kerna lit ras langna virus Corona enda. Pemerintah nggo ngatakenca maka gundari kita new normal, hidup berdampingen ras virus Corona alu protocol kesehaten. Tapi si idah lit kepe si erpengakap maka ena kerina ibahan-bahani, labo lit virus e ninaka, emaka lit nge si anggap enteng, labo pakena protocol kesehaten e. Lit deba nina, Corona e nge si mbiar man kami. Si parahna jadi me i je la si teken, nina deba ena permainen rumah sakit.

Anggap enteng, sepele nandangi berita ras situasi si terjadi e maba ulih la patuh nanangi aturen si enggo itentukan. Enggo pe ibahan aturen denda man si la patuh, tetap lit si mekeng. Payo tuhu latih adi la seri pengangkan. Perbedan pendapat e nai-nai nari pe nggo megati jadi. Emaka nina Rasul Paulus pergermetkenlah, ras ujilah kerina pengajaren si reh man banta. Sabap pengangkan si payo mahanca payoka tanggapenta. Tapi pendapat si la payo mahanca tama cedana. Uga cara ngujisa, *sipemena* eme arah pertotonta man Tuhan. Gelah tenang kita si sungkunlah Tuhan, arah pertotonta berita si apai nge si arus siteki ras siikutken, pindo Tuhan si ngajari kita ras namaken perkatanNa bas pusuhta. Adi enggo si sungkun Tuhan, ulanai si pebelin pendapatta. Nggit surut gelah si eteh si payona. *Sipeduaken*, tetap ngataken bujur bas si ugapana pe. Sabap e tandana si akui lit Dibata si mperdiateken kita. Jenari, ola anggap enteng kai pe, Kesah Si Badia si lit e ngajari kita guna jadi kalak pentar, megermet bas geluhta. Silang-langna alu hikmat Tuhan mabai kita jadi kalak si beluh njagai dirinta ras jadi usihen man kalak sideban, janah selamat arah pandemic enda. *Sipeteluken*, penanam-nanam kemalemen ate si rehna i bas Dibata nari. Kalak pentar tetap terkelin sebab Dibata si ngkawalisa. I bas kepatuhenta ndalanken atuen si ibereken pemerintah, i je Dibata masu-masu.